

Artic. 3. Jul. Clar. Recept. sent. libr. 5. fornicatio. Neque 26
 huic sententiæ quicquam refragatur exemplum *Hoseæ* Prophetæ.
 Nolo quidem hic amplecti sententiam *B. DN. LUTHERI* in *Præ-*
fat. German. in Hos. quasi honesta scortina fuerit, qua de *Hos. 1. &*
3. sermo est; ei vero Mandato DEI nomen scorti impositum ad
 significandam populi Israelitici spiritualem fornicationem: quam
 interpretationem præter *Osiandrum* etiam suam fecit *Tarnov.*
in Exercitat. Biblicis pag. 605. Sed tamen nec iis accedere volumus,
 qui sanctissimum prophetam speciali DEI jussu vere cum
 meretrice rem habuisse non citra blasphemiam quandam contem-
 dunt. Certissimi potius sumus, cum meretricem duxisse uxorem, 27
 cumque illa ut legitima uxore cohabitasse; verum istam, non,
 prout matronam decet, pudice vixisse, sed more meretricio
 egisse. Hinc etiam filii ex ea suscepti à matre filii fornicatio-
 num denominantur. Neque aliud colligere licet *ex cap. sub-* 28
seq. 3. ubi eam iterum ex mandato Divino ceu meretricem quan-
 dam ambiisse, ejusque concubitus sibi pro certa mercede pactus
 esse legitur. Non enim sollicitavit meretricem quandam ad
 concubitus, sed cum uxor ipsius, nulla habita ratione matri-
 monii, quæstus gratia se aliis etiam prostitueret, ejus amorem,
 quem ista non ex animo æstimabat, sibi pretio quodam conciliare
 voluit. Igitur non quæstum meretricium dedit meretrici; sed
 uxori donationem fecit, ut ab aliis Viris se aliquamdiu tempe-
 raret; quæ donationes alias in jure nostro improbantur, quod
 noluit matrimonia esse venalia *L. 2. & tot. tit. ff. d. donat. in-*
ter. vir. & uxor. Multo vero minus factum Judæ *Genes. 38.*
vers. 23 aliunde evincit; cum non tam, quid factum fuerit, quam
 quid fieri debuerit, attendendum sit: & deinde Judas ibi, ut
 antea sollicitus, sic nunc securus de existimatione sua inducitur,
 quæ periclitari videbatur, si putativum illud scortum stuprum
 manifestaret, inque vulgus disseminaret: cum præter pastorem
 ipsius, *Odollamitam* nemo hujus concubitus notitiam habe-
 ret. Quam sententiam quoque eleganter illustrat *Calvinus*
in commentar. ad Pentateuch. Mos. pag. 255. hunc in modum:

E 2

Nam